



ALIJA  
IZETBEGOVIĆ  
M U Z E J

# NEWSLETTER

JU MUZEJ "Alija Izetbegović" Sarajevo  
Broj 4/2020 | Oktobar-Novembar 2020.

# 3

## AKTUELNOSTI

Muzej „Alija Izetbegović“ i Prva bošnjačka gimnazija potpisali Sporazum o saradnji

...

# 7

## AKTIVNOSTI

Održana izložba likovnih djela sa kolonije „Moj bijeg u slobodu“

...

# 8

## GODIŠNJICE

Dvadeset sedam godina otkako su zločinci Hrvatskog vijeća odbrane srušili Stari most u Mostaru

...



## AKADEMIJA I IZLOŽBA

U Vijećnici je održana tradicionalna Akademija u povodu obilježavanja 17. godišnjice smrti prvog predsjednika Republike Bosne i Hercegovine Alije Izetbegovića.



FOTO: Arhiva Muzeja "Alija Izetbegović"

## TRI DECENIJE DEMOKRATIJE U BOSNI I HERCEGOVINI (Više na 9. str.)

## JU MUZEJ "ALIJA IZETBEGOVIĆ" OBILJEŽIO MEĐUNARODNI DAN MUZEJA (Više na 5. str.)



FOTO: Agencija Anadoluja





FOTO: Muzej "Alija Izetbegović"

## Direktor Human Appeal International za Australiju i Okeaniju sa saradnicima posjetio Muzej „Alija Izetbegović“

Početak novembra gđin. Bashar Al-Jamal, direktor Human Appeal International za Australiju i Okeaniju, te dvojica njegovih suradnika iz Turske posjetili su JU Muzej "Alija Izetbegović" i mezar prvog predsjednika Predsjedništva nezavisne Republike Bosne i Hercegovine.

Direktorica našeg Muzeja, Nađa Berberović-Dizdarević, primila je delegaciju te razgovarala sa gospodinom Bashar Al-Jamalom o budućim zajedničkim projektima i suradnji u sferama obrazovanja i kulture.

Gđin. Al-Jamal je dugogodišnji prijatelj Bosne i Hercegovine i veliku donator projekata u BiH, posebno u sferi obrazovanja.



FOTO: Muzej "Alija Izetbegović"

Kao iskreni poštivalac lika i djela Alije Izetbegovića, gđin. Al-Jamal je blizak sa uglednim islamskim demokratskim liderima i pokretima u Turskoj, Tunisu, Sudanu, Indoneziji i drugim muslimanskim zemljama.




FOTO: Muzej "Alija Izetbegović"

## Potpisan sporazum o saradnji između Muzeja „Alija Izetbegović“ i „Homework Hub-a“

Direktorica Muzeja "Alija Izetbegović", Nađa Berberović-Dizdarević i direktor Homework Hub-a, Mirza Rastoder, potpisali su Sporazum o saradnji u okviru kojeg je definirana implementacija zajedničkih aktivnosti.

Među ovim aktivnostima planirano je zajedničko učestvovanje u pisanju prijedloga projekata za društvenu afirmaciju mladih, organizovane posjete studenata i učenika Muzeju "Alija Izetbegović", iznajmljivanje prostorija HUB-a za radionice za učenike osnovnih i srednjih škola te zajedničko promoviranje i osnaživanje studenata i mladih u sferama nauke, umjetnosti i kulture.




FOTO: Muzej "Alija Izetbegović"

Ovaj sporazum predstavlja još jedan u nizu aktivnosti koje je naša Institucija realizirala u cilju povezivanja sa srodnim organizacijama.

## Muzej „Alija Izetbegović“ i Prva bošnjačka gimnazija potpisali Sporazum o saradnji



FOTO: Muzej "Alija Izetbegović"



FOTO: Muzej "Alija Izetbegović"

## Posjeta predstavnika Bošnjačkog nacionalnog vijeća Sandžaka Muzeju „Alija Izetbegović“

Delegacija Bošnjačkog nacionalnog vijeća Sandžaka posjetila je Muzej "Alija Izetbegović".

Na sastanku sa predstavnicima BNV, direktorica Nađa Berberović-Dizdarević razgovarala je o potpisivanju Sporazuma o saradnji između Muzeja "Alija Izetbegović" i najvišeg predstavničkog tijela Bošnjaka Sandžaka, te skorašnjoj posjeti delegacije Muzeja, Sandžaku i Bošnjačkom nacionalnom vijeću.

Sastanku su ispred BNV prisustvovali: potpredsjednik Fuad Bačićanin, sekretar Mirza Hajdinović i stručni saradnik Amila Čosović, te naučni radnik-istraživač Muzeja, Admir Lisica.

## Specijalno izdanje magazina „STAV“ posvećeno liku i djelu Alije Izetbegovića

Povodom obilježavanja devedeset pet godina od rođenja i sedamnaest godina od smrti rahmetli predsjednika Alije Izetbegovića, bosanskohercegovački sedmični magazin „STAV“ upriličio je specijalno izdanje na više od stotinu stranica koje je posvećeno liku i djelu predsjednika Alije Izetbegovića. Ovo izdanje realizirano je uz podršku Muzeja „Alija Izetbegović“ i Fondacije „Alija Izetbegović“.

Jedna od naših aktivnosti u prethodnom periodu je i Sporazum o saradnji između Prve bošnjačke gimnazije, Muzeja "Alija Izetbegović" i Fondacije "Alija Izetbegović". Učenici – članovi Kluba historije uz mentorstvo profesorice Belme Ibišević bili su moderatori događaja, te su pripremili prigodne citate Alije Izetbegovića.

Cilj saradnje je otvaranje platforme gdje ćemo se skupa prisjećati poruka iz života Alije Izetbegovića i njegovog državnčkog djelovanja kao prvog predsjednika RBiH nakon što je obnovljena njena državnost 500 godina poslije.

Kroz zajedničke projekte afirmisat ćemo sjećanje na Predsjednika, kao i na plemenitost borbe koju je vodio. Cilj nam je promovirati slobodarske vrijednosti koje je Alija Izetbegović propagirao i za koje se zalagao. Jednom kada se formira spona između grupe ljudi, oni će stajati jedni uz druge i zajedničkim se snagama opirati izazovima vremena.

Ovim sporazumom osiguravamo da sjećanje na našeg predsjednika i borca za nezavisnost BiH neće nikada umrijeti i da ćemo naše učenike približiti pravim i moralnim vrijednostima na kojima počiva naša država i za koje se zalagao Alija Izetbegović.





FOTO: Chris Helgren/Reuters

## Prijatelj Bosne i Hercegovine novi predsjednik Sjedinjenih Američkih Država

**Najzanimljiviji događaj na svjetskoj političkoj i medijskoj sceni u mjesecu novembru svakako su predsjednički izbori koji su održani u Sjedinjenim Američkim Državama.**

Za novi mandat u Bijeloj kući borili su se aktuelni predsjednik SAD-a, Donald Trump, kao kandidat republikanaca i Joe Biden ispred američkih demokrata. Na oduševljenje većeg dijela svjetske javnosti za novog predsjednika SAD-a izabran je Joe Biden.



FOTO: Arhiva Muzeja "Alija Izetbegović"

Ovaj iskusni američki političar poznat je i po svojim jasnim stavovima o nepravdi koja se desila bošnjačkom narodu i Bosni i Hercegovini u toku agresiji, a koje je u više navrata interpretirao svojim kolegama u Senatu, ali i općenito u javnosti. Posebno je zanimljiv odnos Joe Bidena sa predsjednikom Alijom Izetbegovićem sa kojim se susreo u više navrata. Koliko su ti susreti na Bidena ostavili

utisak svjedoči i njegova izjava nakon sastanka sa tadašnjim predsjednikom Predsjedništva Bosne i Hercegovine, Bakirom Izetbegovićem u okviru sastanka na samitu Brdo-Brijuni.

Tom prilikom izjavio je u kontekstu sjećanja na Aliju Izetbegovića da mu pripada izuzetna čast jer ga je imao priliku upoznati.

FOTO: Arhiva Muzeja "Alija Izetbegović"



FOTO: Muzej "Alija Izetbegović"

## Održana izložba „Alija Izetbegović – između Istoka i Zapada“ u Teočaku

Izložba fotografija iz privatne arhive predsjednika Alije Izetbegovića pod nazivom „Alija Izetbegović – između Istoka i Zapada“, nakon što je predstavljena u Općinama Novi Grad Sarajevo i Vogošća, prezentirana je u Teočaku.

Navedena izložba je prikazana u prostorijama BZK Preporod Teočak povodom obilježavanja godišnjice pogibije heroja odbrambeno-oslobodilačkog rata, brigadnog generala Hajrudina Mešića. Ovaj projekat naš Muzej realizirao je u saradnji s predstavništvom BZK Preporod iz Teočaka.



FOTO: Muzej "Alija Izetbegović"



FOTO: Muzej "Alija Izetbegović"

## JU Muzej „Alija Izetbegović“ obilježio Međunarodni dan muzeja



FOTO: Agencija Anadolija

**Međunarodni dan muzeja, 18. maj, obilježava se od 1977. godine.**

Ove godine, u skladu sa novonastalim okolnostima, Dan muzeja se obilježava od 14. 11. do 16. 11. 2020. kada je ujedno i rođendan ICOM-u. ICOM, koji tematski usmjerava Međunarodni dan muzeja, ove godine predložio je temu: "Muzeji za jednakost: različitost i uključivost" (Museums for Equality: Diversity and Inclusion).

S ciljem da se podigne svijest o izuzetno značajnoj ulozi muzeja ne samo u sabiranju, čuvanju i tumačenju naše kulturne baštine, već kao mjesta koja doprinose razumijevanju, suradnji i miru, muzeji danas kroz različite aktivnosti i u otežavajućim okolnostima, obilježavaju Dan muzeja.



FOTO: Agencija Anadolija

Kao i prethodnih godina, naš Muzej učestvovao je u programu obilježavanja Međunarodnog dana muzeja, nudeći svojim posjetiteljima besplatan ulaz i popust od 20% za kupovinu knjiga iz izdavačke djelatnosti muzeja.





FOTO: Muzej "Alija Izetbegović"

## Održana Akademija povodom sedamnaeste godišnjice smrti Alije Izetbegovića

U Vijećnici je održana tradicionalna Akademija u povodu obilježavanja 17. godišnjice smrti prvog predsjednika Republike Bosne i Hercegovine Alije Izetbegovića, u čast njegovom liku i djelu.

U Vijećnici je održana tradicionalna Akademija u povodu obilježavanja 17. godišnjice smrti prvog predsjednika Republike Bosne i Hercegovine Alije Izetbegovića, u čast njegovom liku i djelu.

Intoniranjem himne Bosne i Hercegovine, učenjem Fatihe i minutom šutnje odata je počast rahmetli Aliji Izetbegoviću. O njegovom liku i djelu, trajnom dobru i univerzalnim vrijednostima za koje se borio i koje je ostavio kao amanet, govorili su Nađa Berberović-Dizdarević, direktorica Muzeja

"Alija Izetbegović", Faris Nanić, bliski saradnik rahmetli Alije Izetbegovića i Sanjin Kodrić, predsjednik Bošnjačke zajednice kulture (BZK) "Preporod".

Rahmetli Alija Izetbegović bio je državnik u punom smislu te riječi, izborio se za nezavisnu Bosnu i Hercegovinu, međunarodno priznatu i slobodnu. Još za života postao je historija, a njegovo ime postalo je simbol – bio je djelić historije pred nama, pred našim očima i na dohvata ruke, a njegov životni put simbolizirao je mnogo više od života tek jednog čovjeka.



FOTO: Muzej "Alija Izetbegović"



U cilju očuvanja sjećanja, u okviru akademije predstavljena je izložba koja obuhvata fotografije, eksponate i dokumente iz privatnog i političkog života Alije Izetbegovića. Izložbu su posjetioci mogli pogledati do 29. oktobra. Navedena izložba je realizirana u saradnji sa Fondacijom „Alija Izetbegović“. Program je upotpunjen izvedbama multireligijskog hora "Pontanima".



FOTO: Muzej "Alija Izetbegović"

U odnosu na ranije organizirane Akademije, ovogodišnja svečanost je održana pred svega 30 prisutnih, što je svakako rezultiralo odlukama Kriznog štaba u cilju sprječavanja širenja koronavirusa. Organizator Akademije tradicionalno je Muzej "Alija Izetbegović".

## Muzej "Alija Izetbegović" u saradnji s KSC Vogošća organizirao izložbu fotografija pod nazivom "Alija Izetbegović - između Istoka i Zapada"



FOTO: Agencija Anadoluja

Na 32 panoa prikazano je više od stotinu fotografija koje hronološki prezentiraju život Alije Izetbegovića.

Posjetioci su, uz slobodan ulaz, imali priliku pogledati izložbu od 14. do 23. oktobra 2020. godine, svaki dan u periodu od 10:00 do 18:00 sati. Način razmišljanja i donošenja odluka u teškim trenucima prvog predsjednika Predsjedništva Republike Bosne i Hercegovine Alije Izetbegovića moguće je shvatiti tek u današnjem vremenu, poručeno je na otvaranju izložbe u povodu 17. godišnjice smrti prvog predsjednika nezavisne BiH.



FOTO: Agencija Anadoluja

Direktorica Muzeja "Alija Izetbegović" Nađa Berberović-Dizdarević je u obraćanju prisutnima kazala da se radi o izložbi na kojoj je na 32 panoa predstavljen politički, diplomatski i privatni život Alije Izetbegovića, njegov lik i djelo. Ono što ovo izložbu čini posebnom, kako je kazala, je činjenica da mnoge fotografije i dokumenti do sada nisu bili prikazani u javnosti jer se radi o fotografijama i dokumentima iz privatne arhive porodice Izetbegović.



FOTO: Agencija Anadoluja

## Održana izložba likovnih djela posvećena Aliji Izetbegoviću pod nazivom „Moj bijeg u slobodu“

U kompleksu Centra za kulturu Dobrinja - Vila Hadžihalilovića 16. 10. 2020. otvorena je izložba likovnih djela pod nazivom "Moj bijeg u slobodu", povodom 17. godišnjice smrti prvog predsjednika Predsjedništva Republike Bosne i Hercegovine Alije Izetbegovića.

Izložba je nazvana po istoimenoj međunarodnoj likovnoj koloniji koju Muzej "Alija Izetbegović" tradicionalno organizuje već sedam godina zaredom u Počitelju, u saradnji sa Udruženjem likovnih umjetnika BiH (ULU-BIH). Izložba je javnosti bila dostupna deset radnih dana, sve do 29. oktobra, a ulaz za sve posjetioce bio je slobodan.

Muzej "Alija Izetbegović" organizira ovu izložbu tradicionalno u saradnji sa Općinom Novi Grad Sarajevo. U vremenskom periodu od 2013. do 2019. godine, naš Muzej prikupio je značajan broj vrijednih likovnih djela eminentnih bosanskohercegovačkih i stranih umjetnika od kojih su neka izložena na ovoj izložbi.



FOTO: Agencija Anadoluja





FOTO: Pixabay.com

## Dvadeset sedam godina otkako su zločinci Hrvatskog vijeća odbrane srušili Stari most u Mostaru

Jedan od najvećih zločina protiv kulture i historijskih vrijednosti dogodio se 8. novembra 1993. godine kada su zločinci Hrvatskog vijeća odbrane (HVO) nakon višednevnog granatiranja, srušili Stari most u Mostaru, simbol grada na Neretvi.

Danas Stari most opet krasi obale Neretve, ljepši nego ikada, a na ceremoniji povodom početka njegove obnove 1997. godine obratio se i predsjednik Alija Izetbegović. Tokom obraćanja prilikom ceremonijalnog vađenja prvog kamena Starog mosta iz Neretve, između ostalog, Alija Izetbegović je rekao: "Prije svega, hoću da vas sve pozdravim i da vam zahvalim što ste došli da uveličate ovu našu zajedničku svečanost. Jer ovo nije samo praznik Mostara, niti samo Bosne i Hercegovine. Ovo je veliki trenutak za sve ljude kojima je civilizacija na srcu [...] Očito, svi smo mi dobro razumjeli – i oni koji su onda rušili Stari most, i mi koji ga danas obnavljamo, da se radi o velikom simbolu povezanosti, ne

samo između ljudi i naroda Bosne i Hercegovine, nego i između dva svijeta: Istoka i Zapada." Alija Izetbegović je ujedno i dobitnik povelje "Počasnog graditelja Staroga mosta – spomenika mira" za svoj doprinos i zalaganje tokom obnove Starog mosta.



FOTO: Arhiva Muzeja "Alija Izetbegović"

## Tri decenije demokratije u Bosni i Hercegovini

Prvi višestranački i demokratski izbori, nakon parlamentarnih izbora u Kraljevini Jugoslaviji 1938. godine, ali i jedini održani prije proglašenja nezavisnosti Bosne i Hercegovine (1. mart 1992. godine), u Socijalističkoj Republici Bosni i Hercegovini, održani su prije tri decenije, 18. novembra 1990. godine.

Građani su na izborima birali članove Predsjedništva Socijalističke Republike Bosne i Hercegovine, te zastupnike za Skupštinu Socijalističke Republike Bosne i Hercegovine (dva doma - Vijeće građana i Vijeće općina).

Od 3.033.921, što je bio ukupan broj registrovanih glasača, na izbore je izašlo 77,83 posto. Od toga, 74,4 posto birača glasalo je za članove Predsjedništva, a za Vijeće općina i Vijeće građana (dva doma Skupštine) glasalo je njih 81,6 odnosno 77,5 posto.

Pobjedu na izborima odnijele su - Stranka demokratske akcije, Srpska demokratska stranka i Hrvatska demokratska zajednica, koje su nakon izbora postigle dogovor i formirale vlast u Republici. Za člana Predsjedništva izabran je i Alija Izetbegović.



FOTO: Arhiva Muzeja "Alija Izetbegović"





MUZEJ "ALIJA IZETBEGOVIĆ" SA PONOSOM PREDSTAVLJA

# IZABRANA DJELA ALIJE IZETBEGOVIĆA

"ISLAMSKA DEKLARACIJA", "ISLAM IZMEĐU ISTOKA I ZAPADA",  
"SJEĆANJA", "MOJ BIJEG U SLOBODU"

KOMPLET KNJIGA JE DOSTUPAN U SUVENIRNICI MUZEJA, A  
MOGUĆE GA JE NARUČITI I PUTEM MAILA  
(MUZEJALIJAIZETBEGOVICI@GMAIL.COM)

ILI POZIVOM NA BROJ +387 33 574 271  
CIJENA KOMPLETA IZABRANIH DIJELA IZNOSI 150 KM.



OFICIJELNI  
DISTRIBUTER

